

ÁKVÖRÐUN FRAMKVÆMDASTJÓRNARINNAR

2001/EES/26/13

frá 3. september 1998

um sameiginlega tækniforskrift fyrir landstöðvakerfið fyrir flugfjarskipti (TFTS-kerfið) (*)

(tilkynnt samkvæmt skjali númer C(1998) 2378)

(98/535/EB)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af tilskipun Evrópuþingsins og ráðsins 98/13/EB frá 12. febrúar 1998 um endabúnað til fjarskipta og búnað fyrir gervihnattajarðstöðvar og gagnkvæma viðurkenningu á samræmi þeirra⁽¹⁾, einkum annarri undirgrein 2. mgr. 7 gr.,

og að teknu tilliti til eftirfarandi:

Framkvæmdastjórnin hefur samþykkt ráðstöfun samkvæmt fyrsta undirlíð 2. mgr. 7. gr. um það fyrir hvaða gerð endabúnaðar til fjarskipta sameiginleg tækniforskrift skuli gilda, svo og tilheyrandi yfirlýsingu um gildissvið.

Samþykka ber samsvarandi samhæfða staðla, eða hluta þeirra, til framkvæmdar grunnkröfunum sem breyta á í sameiginlegar tækniforskriftir.

Til að tryggja órofinn aðgang framleiðenda að mörkuðum framleiðendum er nauðsynlegt að gera ráð fyrir bráða-birgðafyrirkomulagi vegna búnaðar sem er viðurkenndur samkvæmt innlendum reglum um gerðarviðurkenningu.

(*) Þessi EB-gerð, sem birtist í Stjtið. EB L 251, 11.9.1998, bls. 36, var nefnd í ákvörðun sameiginlegu EES-nefndarinnar nr. 29/2000 frá 31. mars 2000 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn. Sjá EES-viðbæti við Stjórnartíðindi Evrópubandalaganna nr. 27, 15.6.2000, bls. 7.

(¹) Stjtið. EB L 74, 12. 3. 1998, bls. 1.

Tillagan hefur verið lögð fyrir samþykkisnefndina (ACTE) samkvæmt 2. mgr. 29. gr.

Sameiginlega tækniforskriftin, sem kveðið er á um í þessari ákvörðun, er í samræmi við álit samþykkisnefndar endabúnaðar (ACTE).

SAMÞYKKT ÁKVÖRÐUN ÞESSA:

1. gr.

1. Þessi ákvörðun gildir um endabúnað sem er ætlaður til að tengja við almennt fjarskiptanet og fellur undir gildissvið samhæfða staðalsins sem um getur í 1. mgr. 2. gr.

2. Í þessari ákvörðun er mælt fyrir um sameiginlega tækniforskrift þar sem tilgreint er hvaða tæknilegir eiginleikar, með tilliti til krafna varðandi rafræna og vélræna skilfleti, og samskiptareglur varðandi aðgang eiga að gilda fyrir endabúnað, sem hægt er að tengja, og sem, samkvæmt upplýsingum framleiðanda eða fulltrúa hans, er gert ráð fyrir að sé notaður í landstöðvakerfi fyrir flugfjarskipti (TFTS-kerfið).

2. gr.

1. Sameiginlega tækniforskriftin tekur til samhæfða staðalsins sem hlutaðeigandi staðlastofnun hefur samið til framkvæmdar grunnkröfunum sem um getur í 5 gr. tilskipunar 98/13/EB. Tilvísun í þennan staðal er tilgreind í viðaukanum.

2. Endabúnaður sem fellur undir gildissvið þessarar ákvörðunar skal vera í samræmi við sameiginlegu tækniforskriftina sem um getur í 1. mgr., uppfylla grunnkröfur sem um getur í a- og b-lið 5. gr. tilskipunar 98/13/EB, auk þess að uppfylla kröfur annarra tilskipana sem gilda um búnaðinn, einkum tilskipana ráðsins 73/23/EBE ⁽¹⁾ og 89/336/EBE ⁽²⁾.

3. gr.

Tilkynntir aðilar, sem eru tilnefndir til að koma í framkvæmd þeirri málsmeðferð sem um getur í 10. gr. tilskipunar 98/13/EB, skulu sjá til þess að samhæfði staðallinn, sem er tilgreindur í viðaukanum, sé notaður fyrir endabúnaðinn, sem fjallað er um í 1. mgr. 1. gr. þessarar ákvörðunar, frá og með gildistöku þessarar ákvörðunar.

4. gr.

1. Innlendar reglur um gerðarviðurkenningu sem gilda um búnað sem fellur undir gildissvið samhæfða staðalsins sem

um getur í viðaukanum hætta að gilda þremur mánuðum eftir gildistöku þessarar ákvörðunar.

2. Halda má áfram að setja endabúnað, sem er viðurkenndur samkvæmt innlendum reglum um gerðarviðurkenningu, á innlendan markað og taka hann í notkun.

5. gr.

Ákvörðun þessari er beint til aðildarríkjanna.

Gjört í Brussel 3. september 1998.

Fyrir hönd framkvæmdastjórnarinnar,

Martin BANGEMANN

framkvæmdastjóri.

⁽¹⁾ Stjttíð. EB L 77, 26. 3. 1973, bls. 29.

⁽²⁾ Stjttíð. EB L 139, 23. 5. 1989, bls. 19.

*VIÐAUKI***Tilvísun í gildandi samhæðan staðal**

Samhæfði staðallinn, sem um getur í 2. gr. ákvörðunarinnar, er:

Electromagnetic compatibility and radio spectrum matters (ERM); terrestrial flight telecommunications system (TFTS); technical requirements for TFTS

(Þættir sem varða rafsegulviðssamhæfi og fjarskiptatíðni, landstöðvakerfi fyrir flugsfjarskipti (TFTS-kerfið), tækniröfur fyrir TFTS)

ETSI

Fjarskiptastaðlastofnun Evrópu

Aðalskrifstofa ETSI

TBR 23, mars 1998

(að undanskildum formála)

Viðbótarupplýsingar

Fjarskiptastaðlastofnun Evrópu er viðurkennd samkvæmt tilskipun ráðsins 83/189/EBE ⁽¹⁾.

Samhæfði staðallinn, sem um getur hér að framan, er saminn samkvæmt umboði sem gefið er út í samræmi við viðeigandi málsmeðferðarreglur tilskipunar ráðsins 83/189/EB.

Unnt er að fá orðréttan texta framangreinds samhæfðs staðals með því að snúa sér til:

Fjarskiptastaðlastofnun Evrópu,
650, route des Lucioles,
F-06921 Sophia Antipolis Cedex

Framkvæmdastjórn Evrópubandalaganna,
DGXIII/A/2 – (BU 31, 1/7)
Rue de la Loi/Wetstraat 200
B - 1049 Brussels

eða einhverrar annarrar stofnunar sem annast afhendingu ETSI-staðla, en skrá yfir þá má finna á netfanginu www.ispo.cec.be. á Netinu.

⁽¹⁾ Stjtið. EB L 109, 26. 4. 1983, bls. 8.